

Frantziako ezegonkortasun politikoak libera astintzen du diru merkatuetan

Espekulazioa geldiarazteko interes tasak igo ditu Frantziako Bankuak


Frantziako Bankuak (BDF) puntu bat igo zituen atzo egun bateko interes tasak, liberaren debaluazioa geldiarazteko. Ezegonkortasun politikoak eraginda, Frantziako monedak beherako joera izan du azken egunotan finantza merkatuetan.

PARIS

Jean Arthuis Frantziako Ekonomia ministroak adierazi duenez, Parisek azkartu egingo du defizit publikoa gutxitzeko programa, 1997. urtean BPGren % 3an kokatu ahal izateko. Baina adierazpen horiek ez zuten lortu merkatuetako gora-beherak baretzerik izan. Eta munduko zazpi lurralde aberatsenak (G-7) asteburuetan egindako bileraren emaitza urriak ere ez du eginkizun horretan lagundu.

Frantziako egun bateko interes tasak % 6,15etik % 7,25era igo ostean, liberak markoaren aldean izandako balio galera galditza lortu zuen BDFk, kotizazioaren joera ikusirik: goizeko ekitaldian, markoak 3,53 libera kotizatu zuen. Ordubete geroago liberak iragan ostiraleko kotizazioa berreskuratu ahal izan zuen, hau da, 3,51.

Liberaren aurkako mugimendu espekulatiboen arrazoia Frantziar nagusi diren zalantza politikoak dira. Alain Juppe bertako ministroa ikertzen ari dira ustelkeriaz akusatutik. Horrez gain, Frantziako finantza egoera ere ez da ona, batez ere gehiegizko defizit publikoagatik. Era



Alain Juppere Gobernuaren krisi larrian dago.

berean, dolarraren beherakadak ere libera eta beste dibisa ahulak berekin eraman ditu. Eta hori gutxi balitz bezala, sektore publikoko grebak Frantzia geldiarazi lezake gaur.

Horrek denak inbertsoreen mesfidantza eragin du, eta iragan astetik liberak arazoak ditu finantza merkatuetan. Arazo horiek pezetaren kotizazioan ere izan dute eragina, baita Europa

osoko burtsetan ere.

Hala, Bilboko Burtsak 5,23 puntu galdu zituen atzo, Madrilgoak 3,33, eta Pariskoak % 1,32. Europako gainontzeko merkatuetan ere antzeko joera nagusitu zen atzo. Liberak bezala, dolarrak ere behera egiten jarraitu zuen atzo, eta pezetak ere balioa galdu zuen markoarekiko (86,93, ostiraleko 86,79aren ostean).

DEFIZIT PUBLIKOA GUTXITU

Munduko zazpi estatuetatik aberatsenak (EEBB, Japonia, Kanada, Alemania, Frantzia, Britainia Handia eta Italia) iragan asteburuan Washingtonen egindako bileran dolarra sendotzeko konpromezu suharra hartzea espero zuten merkatuetan. Baina ez zen halakorik gertatu. EEBBetako dibisa laguntzeko merkatuetan batera eskusartzea ere ez zuten erabaki G-7ek.

Liberaren aurkako eraso espekulatiboak iragan astean hasi ziren. Ondorioz, BDFk premiazko neurriak hartu behar izan zituen: bost eta hamar egunerako eragiketarako bertan behera utzi, eta egun batekoak % 6,15eko interesetan jarri zituen, libera sendotzeko.

Adituen ustez, interes tasen igoerak eragin kaltegarriak izan ditzake ekonomian, maileguen garestitzaiek hazkunde ekonomikoak geldiaraziko baitu, eta honek defizitaren eta langabeziaren murrizketa motelduko du.

Parisek defizit publikoa % 5era jaitsi nahi du 1995ean, % 4ra 1996an, eta % 3ra hurrengo urtean. Baina helburu horiek nekez lortuko ditu, hazkundearen moteltzeak diru sarriak ere urritzen baditu.

Frantziako Bankuak diru ekaitza baretzea lortu zuen atzo, baina dibisa honen ahuleziak aurerrantzean jarraituko duela uste dute aztertzaileek, Gobernuak merkatuen konfiantza lortzen ez duen bitartean, eta Frantziak Moneda Batasuneko hirugarren fasean sartzeko zalantzak argitzen ez diren artean.

Surf Rider elkarteak eskuratu du Ekimenaren Makila

H. GOROSTIAGA / BAIONA

Surf Rider itsas kirole-tan eta bereziki surf munduan aritzen den taldeak eskuratu zuen joan den igandean Ongi Heldu Euskal Herrian ekimenak ematen duen makila. Miarritzeko ekitaldian, kantariak eta musikariak izan ziren larunbatean, lehia-ketan parte hartu zuten seiatarik nor sariztatuko zuten aiduru. Makilarik gabe gelditu ziren, berriz, Composit, Ours Blancs, Surf System, Societe Electronique eta Net 2064 enpresak. Gisa berean, 'Kultura eta Ekonomia' mahaingurua izan zen Miarritzeko Colisee salan.

Larunbatean eman zutena aurtengo laugarren makila izan zen. Hurrengo heldu den urriaren 27an emanen dute Angeluko Herriko Etxean, seiagarren kanpaina honen karietarak.

Nafarroako Ekonomiari Buruzko Lehen Kongresua

N. A. / IRUÑEA

Nafarroako Gobernuak antolatuta, hilaren 19an eta 20an Nafarroako Ekonomiari Buruzko Lehen kongresua egingen da Iruñean. Iosu Ardaiz Ekonomia zuzendari nagusiak adierazi duenez, «foru komunitateko ekonomia arloko agente guztiek beren ideiak aurkeztu eta ekonomia zuzpertzeko egitasmo berriak azter ditzaten» sortu dute kongresua.

Batzarra hiru zatitan banaturik dago: industria sektoreko erronka berriak, sektore publikoaren parte-hartzea lurraldeko ekonomian, eta Nafarroako ekonomiararen egungo eta etorkizuneko egoera.

Unibertsitateko irakasleek eta ekonomia arloko ordezkariak emanen dituzte hitzaldiak. Hasiera ekitaldian Juan Cruz Alli Ekonomia kontseilaria izanen da eta amaierakoan Javier Otano lehendakaria.

Birmoldaketari buruzko akordioa onartzeko eskatuko diete AESAko batzordeek langileei

BILBO

Astilleros Españoleseko (AES) untzioetan bilerak egin zituzten atzo enpresa batzordeek, eta gehienetan UGTk, CCOOK eta Madrilgo Administrazioak sektorea birmoldatzeko sinatutako akordioari oniritzia eman zioten. Jose Luis Gonzalez Sestaoko La Navaleko enpresa batzordeko lehendakariaren arabera, batzordeak UGTk eta CCOOK hitzartutako akordioa onartzea gomendatuko die langileei. Beharginek aste honetan egingo dituzten bilzarretan erabakiko dute akordioa onesten duten ala ez.

ELA sindikatua ez da oraindik akordioaren alde edo kontra

agertu. Dena den, UGTk eta CCOOK sinatutakoa «nahikoa ez» dela esan zuten ELA Metaleko ordezkariak joan den astean, eta egunotan afiliatuekin hitz egingo dute akordioarekin bat egiten duten ala ez erabakitzeko. LABek, berriz, «enplegu galera ekarriko duen edozein akordioaren aurka» agertu zen joan den astean, «langileenak ezik lanpostuak gizaratearenak» direla azpimarratuz.

Hego Euskal Herriko CCOOKo metal federazioak balorazio positiboa egin du sindikatukideek Madrilgo sinatutakoaz. Lantoki guztiak martxan izango direla eta plantilatik kanpo galdituko diren langileek «tratatamendu ez traumatikoa» izango

duela nabarmendu zuten CCOOKo iturriek. Birmoldaketa planak hasieran jasotzen zuen lanpostu murrizketa 1.300 lagunetan gutxitu dela azaldu dute. Lehen planak 5.000 langiletik gora kaleratzea jasotzen zuen, eta akordioaren arabera 3.850 lanpostu kenduko dira.

CADIZEN ZALANTZAK DITUZTE

Birmoldaketa planaren negoziaketak iraun duten bitartean mobilizazio gogorrenak egin dituzten Andaluziako untzioetan joan den astean sinatutako akordioa onetsi dute. Sevilla eta Puerto Realgo enpresa batzordeek akordioa berretsi zuten atzo eta Cadizkoak, berriz, dokumentuari buruzko «zalan-

tzak» dituela adierazi zuen.

Cadizko untziolako batzordeko idazkariak azaldu zuenez, akordioaren zenbait arlo zehaztu gabe daude eta hauek argitzeko eta aurkitu dituzten hutsuneei buruz informazioa lortzeko Madrilera joango dira gaur. Gainera, Cadizko Zuzendaritzara ere joko dute argibide eske.

KILOMETROAK 95 - OPEL PONTIACaren ZOZKETA

Zenbaki saritua: 004995

Irabazleak hilabeteko epea izango du saria jasotzeko (urriak 31 arte). Epea pasatzean irabazlerik azalduko ez balitz berriro zozketatuko da. Saritutako zenbakia Astigarragako jaietan saldu zen.